



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Qu. VII. De Ceremoniis in Ministerio Sacramentorum servandis reliquisque  
Sacramentalibus.

---

[urn:nbn:de:hbz:466:1-72963](#)

petit, ad illos jus prætendere possit ratione tituli, v. g. beneficii vel dignitatis obtentæ, exigitur Lugo d. 8. sect. 12. n. 194. & alii tam non posse repellere arg. c. Ex tenore de tempor. ordinat. ubi Glo. idem indicat.

Ad Sacramentum Matrimonii quod attinet, constat ipsos contrahentes, qui sunt ministri Sacramenti matrimonii posse contrahere, sic ut publicè non possit repellere compars ob peccatum occultum. Immo juxta Doctores passim id fieri nequit, et si peccatum sit publicum. Quod probat Lugo ssp. sect. 14. n. 226. ex eo, quod nullus iniciat servum personis Catholicis, quasi non possint lícere contrahere cum existente in malo statu. Deinde quod nullus Theologus obliget virginem ad negandum matrimonii confusum sponso, quamdiu est in statu peccati; sed potius ex usu omnium fidelium constet obligationem se disponendi relinqui privatæ cujuslibet contrahentium conscientia. Immo Pontifex interdum dispensat ut Catholicus contrahat cum Hæretica. Idemque in variis antiquis Conciliis concessum fuit, quando Hæreticus promitteret conversionem: istis autem casibus supponebatur ille contracturus matrimonium in malo statu.

His equidem non obstantibus dubitare nequo, quin saltem lege charitatis teneatur quis comparem admonere quantum commode potest, si speretur fructus, ut se dignè disponat. Immo hoc ipsum omnino exigit reverentia Sacramenti; cuius sanctitas exigit, ut non ministretur indigno, à quocumque ministretur. Prout etiam patet in Baptismo, quem in necessitate etiam femina, et si non ex officio speciali lícere ministrat, non tamen indigno. Quare si non adit specialis causa contrahendi cum tali, & ministrandi eidem Sacramentum matrimonii; non video, qualiter id faciens possit excusari à peccato mortali. Neque plus intendit *Prepositus q. 7. de Impedimentis matrimonii dub. 2. 4.* addens causam conditionem, si subsit justa causa; seu, si interfit contrahere cum tali. Quam limitationem fortè etiam alii non negant.

Nihilominus ordinariè contrahenti interest contrahere determinatè cum tali persona, sic ut ob causam justæ utilitatis aut necessitatis plerumque excusat à peccato ministrandi Sacramentum matrimonii indigno. Eaque causâ subsistente id verum est, et si alter sit excommunicatus toleratus. Nam post *Concilium Constantiense* censura specialiter non obstat, quod minus possit innocens tali communicare, etiam in sacris. Cooperatio autem ad peccatum alterius in malo statu Sacramentum suscipiens est communis quoad alios peccatores non excommunicatos; ob utilitatem enim contritus cum tali celebrandi censetur se habere permisive ad indignam alterius suscep-

nem, quam posset alter vitare, si vellet.

Ex quibus à fortiori pater, posse tunc parochum hujusmodi matrimonio assistere, sicut unus contrahentium potest alteri in malo statu existenti ministrare: quāvis similitudine charitatis deberet contrahentes prius à statu peccati avertire, si commode possit. Estque de parocho adhuc minor difficultas; eo quod non sit minister Sacramenti matrimonii, sed tantum assistens inter notarii seu testis publici ipsi contractui quā tali: publicus autem notarius vel judex contractu alioquin legitimo auctoritatem sui muneric non denegat, et si partes contractum ineundo ex sua malitia peccent.

Si tamen subesset in contrahere volentibus aliquod impedimentum ipsius contractualis, distinctum videlicet ab indignitate consistente in hoc, quod contracturi sunt in malo statu, deberet parochus juxta receptam Doctorum sententiam non assistere, sed potius impedimentum Episcopo manifestare, si moniti nolint desistere; quantumvis foret occultum & infamiam adferens. De quo in Tractatu de Matrimonio disseri solet.

## Q U A E S T I O VII.

### De Ceremoniis in Ministerio Sacramentorum servandis reliquisque Sacramentalibus.

**N**OMINE Ceremonia intelligitur actus externus Religionis, qui non aliund est bonus & laudabilis, nisi quia fit ad colendum Deum, ut explicat Bellarm. I. 2. de Sarram. c. 29. sive circumstantia exterior religiosa ad Deum decenter colendum instituta. Hujusmodi Ceremonias quā plurimas Deus ipse instituit in veteri Lege, quæ quod hanc partem ceremonialis dicta est: Quādam etiam instituit ipse Christus in nova Lege, videlicet septem Sacraenta, & Sacrificium Eucharisticum. Varias denique instituerunt Apostoli eorumque successores, sive Ecclesia; quæ dicuntur, Ecclesiasticæ. Quarum nonnullæ versintur circa Sacrificium & Sacraenta, ut scilicet nonnullæ circa alia. Nam circa personas versantur exorcismi, insufflationes, aspergimento: circa loca, v. g. consecratio templi: circa tempus, dies festi, vigiliae &c. circa res ipsas, benedictio aquæ, cinerum, vestium, olei, palmarum &c. Inter ceremonias quoque quædam specialiter appellantur Sacramentalia; non quod particulariter pertineant ad ministerium Sacramentorum, sed quia Sacraenta imitantur in hoc, quod delectant venialia; et si juxta veram hodieque receptam sententiam non nisi ex opere

77.  
A fortiori  
huius est  
in simili  
causa Paro-  
cho assistere.

78.  
Quid no-  
mine Cere-  
monia intel-  
ligatur.

operantis, & mediante pio motu peccatis contrario. Recensentur autem aqua benedicta, confessio generalis sub missa vel ho-  
ris, benedictio Episcopi vel Abbatis consecrati, tunctio pectoris, oratio Dominica, Eleemosyna &c. quae tamen non omnes sunt propriæ Ceremoniæ.

79.

Contra ceremonias Ecclesiasticas insur-  
gunt Hæretici recentiores variis etiam men-  
daciis impertinentibus (quæ refert Bellarm.  
sup. c. 30.) doctrinali & usum Catholicorum traducentes.

Ceremonias  
licet ab  
Ecclesia ad-  
hiberi est  
clarum lu-  
mine ut us-  
tu.

Multas  
Deus insti-  
tuit in lege  
veteri.

Ipsæ Chri-  
stus si fuit  
usus.

Nee Eccle-  
siae carum  
usum aut  
instituio-  
nem inhibi-  
buit.

80.  
Quæ train-  
de à princi-  
piis præ-  
scriptis:

Contra cu-  
jus univer-  
salem usum  
disputare in-  
ciendum sit  
disputare, in-  
sistentia est,  
s. Augusti-  
nus.

Qui earum  
originem re-  
fert ad ipsos  
Apostolos.

Verum naturali lumine clarum est, licet & convenienter in ipso externo cultu Dei aliquas Ceremonias ab Ecclesia adhiberi, ut decentius fiat. Immo nonnullas dictat ipsa natura, v.g. inter orandum flexere genua, tundere pectus, oculos & manus levare in cælum: quæ proinde etiam sunt communes gentilibus & quibuscumque Sectis. Deinde institutionem vel usum Ceremoniarum ex natura rei non esse malum vel superstitionem, est manifestum ex veteri Lege, præsertim ex libro Levitico, ubi Deus ipse plurimas Ceremonias ordinavit in sacrificiis & aliis actionibus ad divinum cultum spectantibus adhibendas.

Præterea Christus ipse (ut riteam, quod legem ceremoniale servaverit) sèpè legitur Ceremonias adhibuisse, v.g. elevando oculos, agendo gratias, accipiendo in manibus panem, benedicendo, Luca 9. & 22. Orando genibus flexis, aut in terram procedendo, Matth. 26. & Ince. 22. Elevatis manibus Apostolis benedicendo, Luca 24. Cæmoniæ proinde ex natura rei sunt licitæ, immo congruentes sacris & religiosis ministeriis, quantum est ex natura rei: nec alicubi Deus inhibuit Ecclesie, quod minus illas institueret vel usurparet: nullo igitur ex capite sunt improbandæ, sed potius approbadæ.

Quo circa jam inde ab initio nascentis Ecclesiæ universalis & perpetuus usus ob-  
tinuit, ut in sacrificio, Sacramentorum ad-  
ministratione, & aliis religionis exercitiis diversæ Ceremoniæ ex Ecclesiæ præscripto adhiberentur: quarum antiquitatem ex vetustissimorum Patrum scriptis manifestè deducere facillimum est. Videri potest Suarez d. 15. sect. 3. concl. 2. & Bellarm. l. 1. de Bapt. c. 25. & seqq. agens in particulari de Ceremoniis Baptismi. Contra illud autem quod tota per orbem frequentat Ecclesia, & ab antiquo frequentavit, hoc quin ita fa-  
cilius disputare in-  
ciendum sit dis-  
putare, in-  
sistentia est, ut recte Aug. ep. 118. c. 5. Immo ipse Apostolus l. ad Cor. 11. ordinatis nonnullis circa usum Eucharistie, subdit: Cetera cum venero disponam. Nimurum (ut recte Aug. sup. c. 6.) non præcepit Christus, quo deinceps ordine sumeretur, ut Apostolis, per quos Ecclesiæ dispositurus erat, servaret hunc locum. Qui deinde ex his Apostoli verbis, Cetera autem cum

venero, ordinabo, colligit. Unde intelligi datu, quia multum erat, ut in Epistola totum illum agendi ordinem insinuaret, quem universa per orbem servat Ecclesia, ab ipso ordinatum esse quod nullum diversitate variatur.

Ex quibus etiam & veterum Concilio-  
rum, ut de aliis, sic & de his rebus, Cano-  
nibus seu Decretis evidens est, esse penes Ecclesiæ hujusmodi ceremonias instituen-  
di potestatem. Quæ nimurum potestas suffi-  
cienter includitur in potestate generali Ca-  
pitulorum Ecclesiæ concessâ ad eam gubernan-  
tam per regulas & ordinationes live etiam  
mandata, quæ recto regimini & bono Ec-  
clesiæ necessaria aut utilia pro tempore vi-  
derentur.

Hinc similiter evidens est esse penes Ec-  
clesiam potestatem præcipiendi ceremonias  
in ministerio Sacramentorum adhibendas  
sub vinculo peccati; prout penes illam esse  
potestatem ferendi alias leges in conscientia  
obligantes, patet ex dictis in Tract. de Legi-  
bus d. 3. q. 2. & 12. Unde Ibid. sess. 7. can. 13.  
de Sacram. in gen. merito definit: Si quis dixerit, receptos & approbatos Ecclesiæ Catholice ritus,  
in solenni Sacramentorum administratione adhibi-  
ri consuetos, aut contemni, aut sine peccato à ministris  
pro libito omitti, aut in novos alios per quicunque  
Ecclesiæ Pastorem mutari posse & anathema sit.

Argumenta Hæreticorum, signanter Calvini, omnia planè frivola, soluta pos-  
sunt videri apud Bellarmino sup. c. 32. So-  
lum adverte, quod cum contra ritus Ecclæ-  
siæ Catholice in solenni administratione  
Baptismi, etiam ab antiquo adhiberi solitos,  
speciatim & unicè arguunt, quod ritus isti  
non sint in divinis litteris, sive precepto,  
sive exemplo, commendati, (quod planè  
impossibile est: cum satis sit, non defesse  
in illis utilitatem, & in Ecclesia instituendi  
potestatem) suo ipso gladio se jugulent:  
nam ipse Calvinus in Libello de formula Sa-  
cramentorum ministrandorum præsumit præ-  
scribere, ut infans ad Ecclesiam deferatur  
die Dominicæ, vel quando est concio; ut Baptismus detur coram populo, ut  
deferentes interrogentur, an spondeant se  
infantem cum adoleverit in fide & moribus  
instructuros; ut inponatur nomen baptizandi;  
ut forma pronuntietur lingua pa-  
triæ; ut Symbolum, Oratio dominica, &  
alii præces recitentur. Lutherani addunt  
abrenuntiationem satanæ & pomparum  
ejus; immo Lutheri in suo Catechismo vo-  
luit etiam formari figuram crucis in fronte & pectore baptizandi. Ita refert Bellarm.  
lib. 1. de Bapt. c. 24. Cum quo merito ope-  
rem, testimonii vel exemplis & vinarum  
litterarum demonstrari à Sectariis, quod  
aliquid horum in ministerio Baptismi sit  
adhibendum. Desinat igitur hoc præ-  
textu redarguere ritus ab Ecclesia Dei ap-  
probatos.

Utilitas

Utilitas porrò Ceremoniarum Ecclesiasticarum est multiplex. Nam primò deserunt ad maiorem Sacramentorum solemnitatem ac splendorem, adeoque reverentiam conciliadam suā majestate: ne si nuda mysteria absque ullo ornatu proponerentur & frequentarentur, instar rei vilis contemnerentur, à vulgaribus præsertim. Deinde ad nutriendam internam devotionem; quæ non parum inde accendit, quod divina mysteria cum exterioribus ritibus graviter & reverenter celebrentur. Maximè autem id apparet in Sacramento Altaris: si enim illud per nuda verba mystica conficeretur, accepto pane & poculo vini, moxque sumeretur, omisso omni apparatu vestium, altarium, vasorum, ceremoniarumque ipsius missæ, nulla quasi esset in plebe devotio aut reverentia: ita ut ipsa solemnitas & majestas, quæ Ecclesia officia præsertim missæ peragit, animum non præoccupatum satis convincat de horum rituum utilitate rectaque institutione. E contraria quoque indecora sacerdotis acceleratione, cum rituum partim omissione, partim præcipiti nec gravi adhibitione, scandalum ac Mysterii vilipendionem generat. Tertio horum rituum significatio juvat intelligentiam ipsorum mysteriorum; adeo ut ex illis interdum validè ipsa fidei mysteria comprobentur: prout ex parvulorum exorcismo & exsufflatione in faciem illorum in Baptismo S. Augustinus putat se aperiisse probasse latens in iis peccatum originale I. 1. De pecc. mer. & remiss. 34. & I. 6. contra Iul. c. 5. Quartò juvant memoriam præteriorum; ut patet ex annua celebrazione & repræsentatione passionis, ceterorumque fidei Christianæ mysteriorum.

Quinto juvant ad discernendum Catholicos ab Hæreticis, qui ritus hujusmodi abhorrent, v. g. signum crucis, usum aquæ benedictæ &c. Quo ipso monstrant se non esse sectatores veterum Christianorum. De quibus Tertullianus I. de Corona militis c. 30. ait: *Ad omnem progressum atque promotum, ad omnem aditum & exitum, ad vestitum & calceatum, ad lavacra, ad mensas, ad lumina, ad tubilia, ad sedilia, quemcumque nos conversatio exercet, frontem crucis signaculo trahimus.* Et Cyrillus Ioseph. Catech. 13. in fine: *Nos pudeat nos Crucifixum conficeri, sed in fronte confidenter signaculum crucis digitis imprimatur: & in aliis omnibus auxiliarum, in panibus comedendis, in poculis bibendis, in egressu & ingressu, ante somnum, recumbendo & surgerendo, eundo & quiescendo.* Ab his autem quam procul absint nostri Sectarii, satis patet. Idem est de ornato templorum & altarium, de usu sacrarum vestium in ministeriis, & similibus multis: quæ semper probavit & usurpavit antiquitas.

Sextò plerique Ceremoniæ per modum impetrationis conferunt suo tempore gratias prævenientes seu pios motus, quibus

homo disponatur ad peccatorum remissione & virtutum exercitium. Patet ex orationibus Ecclesiæ, per quas similes Ceronaliae aut Sacramentalia consecrantur, vel suscipientibus applicantur: illæ enim orationes sunt indubie apud Deum efficacissimæ; cum sint ab Ecclesia instituta, & nomine ejusdem Deo offerantur.

Dixi per modum impetrationis: quia nullum subest fundamentum dicendi, praedicationis effectus causari a Sacramentalibus ex opere operato; cum sint instituta ab Ecclesia, quæ sicut non potest Sacraenta instituere, sic nec signis sacramentalibus effectum divinitus causandum annexare; maximè cum experiamur praedictos effectus non semper esse infallibilis. Nec aliter quoque, quam per modum impetrationis ratione precum Ecclesiæ, quædam Ceremoniæ seu Sacramentalia operantur beneficia corporalia v. g. sanitatem aut similia. Denique simili modo habet aqua benedicta virtutem fugandi & compescendi dæmones. Idemque est de exorcismis; quibus quoque hanc virtutem competere patet ex praxi Ecclesiæ ac experientia, & Celestino Papæ ep. I. ad Episcopos Galliæ. c. 9. & Carthaginensi IV. cap. 7. videlicet tum quantum continent signum crucis, invocationem nominis Jesu & Verbi incarnati, combinationem divinæ vindictæ, & similia dæmoni odiosa: tum ratione precum Ecclesiæ, quæ apud Deum plurimum valent: tum ratione potestatis, quam Christus specialiter dedit Ecclesiæ super omnem virtutem iniuncti, ut patet Marci. 16. & Luca 10. Quamvis & hic effectus frequens quidem, non tamen infallibilis sit, dæmone interdum ob causas Deo notas, ex divina permissione justissimâ, sortitus & diutius resistente.

Nec volunt amplius auctoritates virtutem aquæ benedictæ, aliorumque sacramentalium extollentes; signanter Alexander I. (qui sedit sextus à S. Petro) ep. 1. dicens: *Aquam sale conspersam populis benedicimus, ut ea cuncti aspersi sanctificantur ac purificentur..... Nam si cinctis vitule aspersis sanguine populum sanctificabat atque mundabat: multo magis aqua sale aspersa divinisque precibus sacrata, populum sanctificat atque mundat. Et si sale asperso per Elium prophetam sterilas aqua sanata est: quantu[m] magis divinis precibus sacratiss, sterilatatem rerum auferit humanarum, & coquinaros sanctificat atque mundat & expurgat, & cetera bona multiplicat, & infidles diaboli avertit &c? Quæ verba etiam mirè retundunt Errorum nostrorum Sectariorum.*

Proinde minus probanda est doctrina quorundam Theologorum existimantium quidam quod Sacramentalia causet remissionem insuper tri- peccatorum venialium ex opere operato. bunt Ex- orejmis & Item illorum, qui similem virtutem adscri- Sacramen- bunt aquæ benedictæ, signo crucis & exor- talibus phy- cismissimis sciam jno.

87.  
Non tam  
ex opere  
operato.

Similis eff  
vis Exorc  
ejorum  
contra da  
mones.

88.  
Non plus  
intendunt  
Auditoria  
tes agentes  
de Aqua be  
neditæ &c.

89.  
Quidam  
infuper tri-  
bunt Ex-  
orejmis &  
Sacramen-  
talibus phy-  
cismissimis sciam jno.

sum esse  
tuum ope-  
rationem,

cismis Ecclesiae quoad sanitatem corporis vel contra dæmones. Quod sic approbat Bassus in supplemento V. Sacramentalia n. 2. ut cùm hac virtus instrumentalis , etiam physica , non repugnet , prudenter judicandum sit ; eam de facto subesse ; eò quòd oratio Ecclesiae in significacione propriâ sit intelligenda , quando nullum sequitur absurdum. Ut proinde sicut Apostoli per gratiam miraculorum physice tamquam instrumenta dæmones expellent & curationes causabant ; ita & nunc hæc operetur Ecclesia ejusque ministri per exorcismos & aquam benedictam. Verum hæc physica virtus multò minus probanda est , sive quia impossibilis , sive quia saltem intellectu difficilis , & in præsenti non necessaria , etiam gratis admisâ efficaciam Sacramentalium ex opere operato ; quæ propriè satis salvaretur per efficaciam moralem.

90. Ex dictis nihilominus patet , Sacramentalia ratione sua utilitatis & efficaciam esse magni facienda. Specialiter si quidem per eorum usum , v. g. aquæ benedictæ , applicantur orationes Ecclesiae , factæ v. g. in benedictione aquæ : quæ proinde meritò tum in privatis ædibus , tum in Ecclesiis asservantur , & jam olim in templorum vestibulis collocabatur , teste S. Sijnelio ep. 121. Similiter orans in templo sibi applicat orationes Ecclesiae fusas in consecratione , ideoque ibi facilius exauditur. Quod similiter locum habuit in templo veteris Legis ; ut patet 3. Reg. 8. &c 1. Paralip. 6. & alibi.

## QUÆSTIO VIII.

An & qualis intentio requiratur in suscipiente Sacramentum ?

91.  
Solus homo  
viator est  
capax Sa-  
cramentis.

In par-  
vulus nullus  
requiritur  
intentio.

92.  
In adulto  
requiritur  
absentia

**S**UPPONO velut indubitatum quod omnes , solos viatores esse capaces Sacramentorum ; utpote ordinatorum ad salutem homini viatoris , in quo etiam solo potest justitia incipere , vel coepita augeri , vel amissa reparari ; quod est proprius Sacramentorum effectus. Posset quidem physicè loquendo non viator sumere Eucharistiam : at non sacramentaliter ; quo modo etiam bestia posset materialiter Eucharistiam manducare.

**D**ICO I. Certum est , nullam in parvulis requiri intentionem , ut validè , immo cum fructu suscipiant Sacraenta , quorum sunt capaces : nam constat illos in Ecclesia baptizari , & tamen sunt incapaces formandæ intentionis. Isdem similiter cum fructu conferrentur Sacraenta Confirmationis , Eucharistiae , & verosimilius Ordinis.

**D**ICO II. Certum est adulturn , qui interius animo reluctatur , estque omnino invitus , invalidè suscipere Sacramentum ; uti & illum qui in somno vel amentiâ suscipit

Sacramentum , non retractata priori voluntate de Sacramento numquam suscipiendo. Ita expressè determinat Innocentius III. c. Majores de Baptismo . Ratid petitur à voluntate Christi , qui poterat quidem absolutè Sacraenta instituere , ut etiam tunc essent valida ; tamen sic non instituisse , colligitur ex sensu Doctorum & Ecclesiae. Idque congruebat : cùm non deceat Christianos sacris iniciari animo repugnantes. Unde Glossa in c. Majores cit. improbabiliter docet , sufficiere externam Sacramenti petitionem , etiè petens interius dissentiat. Nisi forte veluntum , quòd sufficiat ut in foro externo præsumatur talis v. g. baptizatus ; cùm de internis non judicet Ecclesia.

Dixi , qui est omnino invitus ; nam metu coactus validè suscipit Sacramentum ( excepto saltem matrimonio ) idque sive metus proveniat ab intrinseco , sive etiam ab extrinsecō inservatur ; et si enim metu coactus fit secundum quidem voluntarius , est tamen similes pliciter & absolutè voluntarius. Unde hoc certum est ex usu & doctrina Ecclesiae c. Majores cit. & Toletano IV. c. 55.

**D**ICO III. Ut adultus validè suscipiat Sacramentum , non sufficit quòd non repugnet , seu quòd habeat se merè negativè , sed debet in illius susceptionem saltem habitu littere consentire. Ita communiter Theologi contra Caecitanum.

Probatur ex Concilio Carthaginensi III. c. 34. & refertur can. Egrotantes diff. 4. Araucano. can. 12. docentibus moribundis sacerdos destituto esse baptizandos , si id antea pertinerint : quibus aperte significant & supponunt , absque voluntate illa præterit Baptismum non valere ; cùm cā solum conditione positiū illum permittant. Deinde in Rituale Romano Pauli V. Tit. de Baptism. adulatorum prohibetur baptizari is , qui ante amentiam voluntatem Baptismi numquam ostendit. Nam postquam dictum fuerat : Amentes & furiosi non baptizentur ; subduntur certæ exceptiones seu conditions , quibus id permittitur , signanter ista : si antequam infante sint Baptismi desiderium ostenderint. Idemque statuitur ibidem de eo , qui lethargo aut phrenesi laborat , impendente scilicet mortis periculo cum baptizari posse , si in eo præ apparuerit Baptismi desiderium. Eamdem doctrinam supponit Aug. I. 4. de Bapt. c. 24. in f. dicens non valere Baptismum , si qui potest seu ætatem habet , pro se non respondeat ; secus quam in parvulis.

Probatur II. quia non convenit , ut qui Eius rationis compotes sunt , ignari aut non iudicantes conscienter Deo ejusque cultui. Confirmatur : quia alioquin posset per Baptismum Christianæ Religioni , que libera est adscribi v. g. dormiens , qui de illa numquam prius cogitasset : & consequenter , quia ratione Baptismi validè suscepti constitutus sub Ecclesiæ jurisdictione , posset